

MAYORIA HENDE A BAY CAMPA PARIBA



**ALEX Y DIEGO A
SCAPA Y SEVERINO
CONDENA PA ESTAFA
DI CREDITCARDNAN**


**TIN LEY OF NO TIN LEY
CORE CU AUTO RIBA
SANTO BLANCO DI
BEACH TA CONTRA LEY**

**LANDENPAKKET CU LO
CREA MAS POBRESA
TA 80% ACORDA PA
EVELYN WEVER CROES**



Beneficio di impuesto atractivo cu
Guardian Group su **Plan Personal di
Pensioen** pa Empresario.

Click here! 



Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

*Supports All Your
Business Activities & Processes!*

VCC
International NV

Tel. 583-7072 | info@vcc-int.com | www.vcc-int.com

Alex y Diego a scapa y Severino condena pa estafa di creditcardnan

Eta un caso grandi di estafa, unda cu a horta informacion di creditcard di turistanan cu a bishita Aruba, pa despues uza esaki cu un carchi cu nan a skim. E ta un organisacion criminal cu tin tras di esaki, pero pa mala suerte di Severino, solamente su persona a wordo atrapa aki na Aruba y condena.

Diahuebs mainta tabatin sentencia den e caso penal contra e Waiter Dominicano Severino Hernandez, acusa di tabata forma parti di un organisacion criminal cu ta clone credit card. Corte a hay'e culpabel.

Tres siman pasa Corte a trata e caso penal aki pa e delito cu ta mas conoci como skimming. Ultimo añanan diferente caso similar a bini dilanti y mayoria biaha esnan involvi ta Bulgaro. E biaha aki esnan involvi tabata Latino cu a haci esaki cu ayudo di un Dominicano biba na Aruba, igual cu e caso di e Bulgaronan.

Lesamento di e sentencia a bay hopi rapido door cu e tabata cortico y no tabata e mesun Hues cu a trata e caso a haci esaki. Tampoco e abogado tabata presente pero si dos familiar di e acusado.

E Hues cu a trata e caso a haya e homber culpabel di e delito cu e ta wordo acusa di dje. A tene cuenta cu ta trata di un "first offender". Esta prome biaha cu e ta haya su mes involvi cu husticia. E acusado tin 44 año. El a haya un castigo conforme exigencia di fiscal, pero cu un parti condicional.

Hues a bisa cu e ta haya e exigencia di Fiscal na su lugar pero teniendo cuenta cu G.H. ta "first offender", a conden'e na 3 año di prizon di cual 6 luna ta condicional cu 2 año di prueba. Severino a keda basta afecta pa e sentencia aki, cu el a kere probablemente ta mas abou. Pero Hues a splica cu loke a haci a causa daño na turismo di Aruba. Y mas pasobra no ta un desconoci si no un hende cu a atende cu e bishitantenan aki cu a confia cu uzando nan credit card na Aruba, nada di esaki lo pasa cu nan.

E delito cu Severino a comete tabata entre e periodo di juli 2021 pa september 2022.

Tabata un compania di credit card Mericano cu a bati alarma na autoridadnan local cu hopi cliente di nan a bisa cu nan a haya gasto riba nan tarheta cu nan no a haci. Asina a cuminsa e investigacion cu a conduci na e acusado aki cu tabata involvi den robo di casi 185 mil dollar for di e creditcardnan falsifica.



A bay su cas unda cu a haya un aparato di skimming pega na su laptop, pero cu e ta bisa cu nunca el a uza. El a simplemente saca potret di e creditcardnan cu e clientenan tabata dun'e pa swipe. Asina a bin haya den su celular 1385 potret di creditcard.

E ta bisa cu el a haya rond di 3 mil dollar pero e mes a declara tambe cu pa cada potret e tabata haya 20 dollar cu lo nifica cu mas bien el a haya rond di 30 mil dollar.

E tabata traha na un restaurant na un hotel lowrise. Ora cu e clientenan dun'e nan tarheta pa paga, e ta saca potret y mand'e pa esnan cu ta clone e carchinan aki. E suma di casi 186 mil dollar tabata di un solo tarheta di credito Mericano y cu a wordo uza via di 20 di e carchinan aki. Solamente un compania di creditcard a haci denuncia, pero tabatin mas otro.

Den e declaracionnan cu el a duna e ta papia di Alex y Diego kende ta esnan cu a fors'e ora cu e kier a hala atras, bou di menasa. Un storia cu fiscal ni Corte a kere mucho.

No ta conoci si e acusado aki tin propiedad, pero Ministerio Publico lo cuminsa un ontnemingszaak contra e homber aki.

Tin ley of no tin ley

Core cu auto riba santo blanco di beach ta contra ley

Ta for di hopi aña caba ta prohibi pa core cu auto riba santo blanco di beachnan rond di Aruba, ya cu esaki por causa daño ireparable pa bunita santo blanco cual e isla ta conoci pa esakinan rond mundo.

Pa hopi tempo a tene esaki bou di control caminda unicamente autoridadnan policial tabatin autoridad pa pasa cu auto riba beachnan na momento cu esaki ta necesario pa mantene ley na vigor.

Sinembargo pa algun tempo caba, pa no bisa algun aña, por mira cu tin menos control tumando luga pa doñonan di auto y tambe doñonan cu tin negoshi riba beachnan, kendenan ta core subi e santo blanco sin cu nan ta wordo atendi segun ley existente.

Den e fin di siman largo tras di lomba por a mira atrobe cantidad di auto staciona riba beach, principalmente hendenan cu tin permiso pa campa den e zona di beachnan pero esaki no ta permisibel pa algun tempo caba.

Mientras cu tabatin vigilancia di polis continuamente durante di e periodo largo aki di campamento, por a tuma nota cu autoridadnan no a actua contra varios vehiculo cu tabata staciona den e zona di santo blanco, cual sin duda tin su consecuencia pa e calidad di santo cu tin na e sitionan aki. Turismo ta pilar economico mas grandi y mas importante di e pais y sin duda beachnan di Aruba ta mundialmente



conoci y gusta caminda algun luna atras, Eaglebeach a wordo considera un di esunnan mas bunita rond mundo.

E balor di tin e beachnan blanco aki, ta inmenso y no por permiti cu propio hendenan local, ta causa daño na esaki, cu nan comportacion irresponsabel pero na mes momento ta autoridadnan policial tin cu atende cu e asunto aki.

Tur meter di santo blanco, na cualkier sitio tin cu wordo cuida y proteha contra di cualkier influencia negativo y ta bon pa autoridadnan local pone mas atencion na e situacion aki pa evita cu e lo por tin consecuncianan negativo den futuro, caminda ta afecta naturalesa puro di e isla.

Repudio pa actitud di líder Tibetano Dalai Lama

Ni ki splicacion cu duna, e sucedido no ta cambia e repudio cu a wordo sinti mundialmente pa un video unda e líder Tibetano ta sunchi un mucha homber den boca.

No por ni bisa cu el a bira senil pasobra el a demostra di ta bon na su tino.

Ta trata aki di un video, graba na luna di februari, unda por mira Dalai Lama ta sunchi un menor di edad y despues ta pidie “suck it” mustrando su lenga. E reaccionnan a bini inmediatamente y a cataloga e suceso como abuso di parti di e lider budista.

E escandalo tabata asina grandi cu e oficina di Dalai Lama a saca un declaracion unda cu e lider ta pidi su disculpa. Pero cu e disculpa aki no a convence mucho.

E caso aki un biaha mas a trece den luz supuesto abuso sexual denuncia y investiga den e nivel mas halto di budismo tibetano y miembronan cerca di e maximo lider. Y cu incluso e lider tabata na altura di esaki.

Den e video aki cu a bira viral por mira e lider budista na un evento unda ta mira Tenzin Gyatsi – miho conoci como e di diescuatro Dalai Lama, ta sunchi e mucha homber den boca y bis’e despues “suck it”, mustrando su lenga. E ola di rechazo no a tarda pa yega.

E video ta graba na un area na nort di India, unda e lider spiritual ta biba exilia desde e lantamento Tibetano fracasa di 1951 contra e poder Chines.

Un comunicado publica riba su cuenta di Twitter y den su pagina WEB “su Santidad tin biaha ta haci bofon di personanan, kendenan e ta topa, di forma inocente y den wegá. Incluso den publico y dilanta camaranan,” e comunicado ta bisa.

Tenzin Gyatso, Dalái Lama tin mas di 80 aña como maximo lider reiligioso di Tibet. El a bira e maximo lider religioso y politico di su pais, cu apenas cuatro aña y e tin mas di 60 aña den exilio.

Landenpakket cu lo crea mas pobreza ta 80% acorda pa Evelyn Wever Croes

For di aña 2020, señora Evelyn Wever Croes a firma pa Aruba wordo mara na un 'Landenpakket' y loke a bin a cambiando for di 2020, ta e bachi den cual e 'Landenpakket' aki ta wordo bisti, segun lider di partido AVP, Mike Eman ta muestra.

Lider di fraccion di AVP den Parlamento, sr Eman a sigui indica cu cada un aña of cada dos aña cu tin protesta den comunidad, e ora e bachi di 'Landenpakket' cu tin tur e medidanan aden ta wordo cambia.

"Medidanan cu nos pueblo ta sintiendo formalmente manera redoblacion di BBO, BBO aan de grens, cortamento den salubridad, cambio di leyman laboral, tur pena cu trahadonan publico ta confrontando awor, esta e 'prestatie management' cu a wordo introduci.

Cada un di e dolornan aki caminda entre otro tin tambe cu salario di nos ciudadanonan no a wordo ahusta, hendenan cu tin un bijstaand limita, caminda nos fraccion durante varios reunion di presupuesto a presenta peticion pa ahusta esaki, pa aumenta e 'reparatietoelag' ya cu costo di bida ta impagabel na Aruba.

Pero kico nos ta mira cu gobierno ta haci henter un show caminda atrobe Evelyn y su gobierno a

cambia e bachi den cual e Landenpakket ta wordo bisti.

Prome e bachi su nomber tabatin e nomber di CHE y na e ocasion ey fraccion di AVP den Parlamento, lider di fraccion Marlon Sneek hunto cu Richard Arends y demas miembro di e fraccion a entrega notanan mustando cu e cos aki no ta bon, ya cu e ta kita autonomia di pais Aruba, caminda e ta pone c'un instancia cu no tin e derecho segun Statuur ta bay determina temanan cu ta temanan di Aruba.

Ora nos mira declaracion di van Huffelen kende a bisa "het gaat allemaal prima" por realisa kico ta e problema ora cu ta hinca un pakete di cosnan cu ta regarda nos pais, cu ta regarda e remedi di nos grandi nan, cu ta regarda kico nos muchanan ta paga na schoolgeld, cu atrobe ta wordo aumenta.

Tambe kico ta e posicion di nos empleadonan den e pais aki, caminda cada mes nos ta mira cu cosnan ta bayendo atras, Aruba ta bibando na e momentonan aki, caminda 50 mil persona ta bou di e salario cu nan tin mester pa sobrevivencia.

No ta Mike Eman y AVP ta bisa esaki pero e propio Centraal Bureau Statistiek ta bisa esaki, cu e 'bestaansminimum' cu tin na e momentonan aki, ta haci cu si calcula salario minimo of esunnan cu entrada bou di salario di 3500, esunnan riba bijstaand, nos pensionadonan tur ta bibando bou di e limite di pobreza na Aruba.

Anto señora van Huffelen ta bin dilanti y bisa cu "het gaat prima" y naturalmente e distancia ta haci cu e temanan asina, esta ken tin cu haya remedi, na Aruba, con nos grandi nan ta pasando na e momentonan aki, caminda nan mes tin cu paga pa esaki, no ta algo cu ta wordo sinti te na Den Haag.

Pero ora cu tin gobernantenan kendenan tampoco ta sinti esaki pa tristo cu e por zona, ya cu Evelyn Wever Croes a declara esaki publicamente cu 80% di e 'Landenpakket' cu tin riba mesa na e momentonan aki, cu ta causando tur e sufrimento den nos comunidad, cu e ta di acuerdo cu e Landenpakket aki y hasta cu e mes a inventa e Landenpakket aki.

Pues cada ciudadano cu tin cu paga pa su propio remedi, no kere Evelyn ora e bisa cu ta Hulanda ta esun cu a impone esaki, ora un hende como ambtenaar wordo confronta c'un decision cu ora bin tin tres strike, nan ta out, no ta pa motibo di un Landenpakket cu Hulanda a impone.

Ta mesun Prome Minister aki a bisa cu 80% di tur loke tin den e Landenpakket, ta su persona mes a bay di acuerdo y a bin cu esakinan, caminda nos muchanan lo no por paga schoolgeld, ora cu pronto lo bin c'un BBO aan de grens, cu lo tin consecuencia serio riba costo di bida, tin cu realisa cu na momento Evelyn a firma Landenpakket siman pasa, a keda intacto," lider di AVP, parlamentario Mike Eman a trece dilanti.



Results of the Treasury Bills issued by Government of Aruba in the amount of Afl. 40,000,000.00 for the period April 6, 2023 – July 6, 2023

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 4 of March 7, 2023.

The Centrale Bank van Aruba hereby informs that the Treasury Bills issue of April 6, 2023 in the amount of Afl. 40,000,000.00 with a maturity of three (3) months has been fully subscribed. The average discount yield of the Treasury Bills issue of April 6, 2023 is 0.21 percent.

Aruba, April 11, 2023
Centrale Bank van Aruba

Famia Harms campando pa mas cu cincuenta aña na Baby Beach



Algun mil persona a haci uzo di e chens pa campa durante temporada di Semana Santa. E ta un bunita ocasion pa famia comparti cu otro durante algun dia.

E permisonan di campamento ta pa area di beach banda di hotelnan grandi, banda di ex Bushiri, Savaneta, na San Nicolas y na costa.



Na San Nicolas, Baby Beach, nos a topa cu un famia conoci di pariba di brug lidera pa e personahe conoci di Brazil Chico Harms. Ta trata di un persona masha conoci den e barío, antes pa su actividadnan di volleyball y awo ta concentra, cu su casi 80 aña, na actividadnan pa barío.

Ta hustamente Chico Harms kende casi 55 aña pasa a hiba famia campa na Baby Beach pa prome biaha. Un 'vakantie' cu a bira un tradicion cu a sigui durante tres generacion. Na e sitio e aña'ki tin poco mas cu 40 miembro di famia cu a reuni pa e temporada aki. Banda di e tent grandi unda cu tin e cushina y veranda, tin tambe 10 tent chikito unda cu mayoria ta pasa nan anochi en bes di bay cas.

Cada famia sa adelanta e suma cu mester paga pa bay cambia y un siman prome ta haci tur compras, basa riba loke e grupo a dicidi y cada miembro di famia tin un rol of tarea cu ta encarga cu ne. Y e ta un actividad, unda famia ta reuni y pasa momentonan hopi contento, diferente di e miembronan di famia a duna di conoce.



E ta un tradicion cu nan tin pensa pa sigui cu ne pa hopi tempo mas, mientras cu e gana t'ey.

E ley di pensioen den propio administracion a cambia.

Y awor?

Un pensioen bou di propio administracion "pensioen in eigen beheer" no ta permiti mas y como empresario y/of accionista mayoritario, posiblemente bo no ta registra den un plan di pensioen colectivo via un dunado di trabou. Consecuentemente, ta importante pa regla un plan di pensioen nobo pa sigura bo futuro.

Spaar via un banco tradicional posiblemente lo no ofrece e beneficionan cu un pensioen plan via un compania di seguro lo ofrece. Un cuenta di spaar no tin beneficionan di impuesto, e interes no ta atractivo y e no ta garantiza cuido financiero di bo sernan keri den caso di bo fayecimento imprevisto.

Un miho opcion ta pa regla bo plan di pensioen directamente na un compania di seguro y Guardian Group su Plan Personal di Pensioen pa Empresario ta BO solucion!

E Plan Personal di Pensioen pa Empresario ta un plan di pensioen flexibel cu ta cuadra cu bo necesidadnan personal. E por keda structura di acuerdo cu bo situacion personal y ta permiti bo



Francine Figaroa
Pension advisor

Bo especialista di pensioen!

beneficia di deduction riba bo impuesto.

Beneficionan di Guardian Group su Plan Personal di Pensioen pa Empresario ta inclui:

- 3% di interes anual
- Un account manager personal
- Prima y cobertura ahustabel
- Estado di polisa digital anualmente
- Primanan cu ta (parcialmente) deducibel
- Un posicion financiero saludabel y stabil

Bo tin un pensioen gespaar caba otro caminda? Si bo ta desea nos por pasa e fondonan aki over pa bo plan di pensioen nobo na Guardian Group. Tuma contacto cu nos consehero di pensioen experiencia pa mas informacion.

Nos tey pa conseha bo riba un plan eficiente pa un pensioen financieramente comodo.



Pa mas informacion:

☎ 593-3235

@ Francine.Figaroa@myguardiangroup.com

Guardian Group

live easy

myguardiangroup.com



Mirrors Beauty Academy ta ofrece e siguiente serviccionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

AVP hunto cu sindicato y comercio

Lo atende cu Hulanda pa para sufrimento di pueblo cu Landenpakket



Partido AVP semper a demostra cu echonan, cu e tin solucion pa atende cualkier situacion dificil cu e pais y su pueblo a wordo confronta den pasado, segun lider di e partido Mike Eman, kende a muestra cu AVP tin un “track record” amplio na momento di atende asuntonan di interes pa pueblo di Aruba.

“No e cuestion di sinta y cuestiona y critica e maneho desastroso di un gobierno cu no ta gobernando pa pueblo, cu ta sigui castiga pueblo cu cantidad di medida caminda e situacion lo riba asina mas serio despues cu siman pasa Evelyn Wever Croes a firma oficialmente pa ehecucion di Landenpakket.

Pero nos di partido AVP por muestra cu echonan concreto, loke nos a soluciona den pasado, caminda semper interes di ciudadanonan cu menos entrada, interes di trahadonan ta bin na prome luga y ta un track record hopi concreto y real. Pueblo mester por tin un caminda cu e por midi maneho di un gobierno y cu AVP pueblo tin hopi pa midi e capacidad di nos partido pa atende cualkier problema di e pais y di henter pueblo, pa loke nos a yega di haci caba.

AVP a yega di demostra cu nos por sinta na mesa cu sindicatonan y comercio, pa crea un vision pa Aruba caminda nos tabata inverti door di e crecimiento economico, e pais por a sali for di crisis.

Pa esaki por scoge pa dos manera, caminda ora cu gobierno tin falta di placa, por scoge pa aumenta tur impuesto loke Evelyn Wever Croes ta haciendo pa e por cera su presupuesto of por scoge pa crea un desaroyo positivo caminda como gobierno bo ta inverti y pais ta crece dor cu e pais ta haya mas entrada, gobierno tambe ta haya mas entrada.

Esaki ta pone cu gobierno por duna un ‘reparatietoeslag,’ por duna un miho bijstand, caminda por drecha scol- y bari-onan, cosnan cu den ultimo cinco aña no a pasa.

AVP ta determina pa na momento cu nos comunidad cu a wordo castiga pa demasiado aña cu medidanan, uzando como excuus, cu gobierno anterior a faya, papiando di mega

debe pero cu a resulta di no ta berdad y pueblo dicidi di castiga e gobierno aki, nos lo ta cla pa atende cu tur e situacionnan incorrecto aki.

AVP lo hiba dialogo extenso cu gremionan, yega na un vision concreto con e pais aki tin cu sigui dilanti y ora cu tin esaki forma cu sosten di gremionan, bay Hulanda y sinta na mes cu gobierno Hulandes pa coregi tur loke Evelyn Wever Croes a faya den sirbi interes di pueblo di Aruba.

Preguntanan cu pueblo tin cu haci na su mes ta con por a cu si gobierno anterior a laga un situacion malo atras, Evelyn por a yega Cocolishi cu asina hopi famia, con por ta e situacion financiero tabata malo, diripiente gobierno a presenta un surplus riba presupuesto 2023?

Con por ta cu gobierno anterior a laga un situacion malo, gobierno awor ta cumprando auto di 140 mil of 200 mil florin pa ministernan core aden?

Pa AVP ta masha importante pa bolbe sinta na mes cu sindicatonan hunto cu comercio, lanta bay Hulanda, sinta cu Hulanda, haci un negociacion nobo y bisa Hulanda cu locual nos kier pa pais Aruba, ta un perspectiva cu Aruba por crece y cu nos pueblo tambe por crece.

Caminda nos tur por comparti den prosperidad di e pais y cu pueblo no por ta sufriendo manera ta e caso na e momentonan aki y partido AVP ta cla pa esey, entre otro atende e cambio di ley caminda un empleado ta aumenta tempo di prueba di seis luna, haciendo posibel cu trahadonan por wordo retira ora cu e dunado di trabou kier y caminda departamento di labor ta perde tur poder pa atende interes di trahadonan.

Prome cos cu AVP lo haci ta forma un frente nacional na Aruba, cu sindicatonan y comercio, yega na un acuerdo di un vision nobo pa e pais aki, caminda pueblo por hala rosea responsabel, percurando pa Aruba crece y por paga tur su necesidadnan y nos lo bay Hulanda y convence Hulanda y nos ta convenci cu nos a yega di haci esaki den pasado y cu nos lo convence Hulanda cu mester tin un otro direccion cu e landenpakket desastroso aki cu pueblo ta sufriendo bou di esaki,” Parlamentario Mike Eman a declara.

Celebracion

CONCIERTO BAILABEL DI DECADA 80 Y 90

E BOS DI LAS CHICAS DEL CAN
MIRIAM CRUZ
Y SU ORKESTA
TSUNAMI | MUSICAL TIME
DJ VIBES | DR ELI

7:00PM
2:00AM

... APRIL
30 ...
2023

BALASHI
ENTERTAINMENT
ARENA

TICKETS AVAILABLE AT
HAMAKA SIDE WALK | VICE VERSA | GALLO ROJO



Aruba rondona di tentnan den fin di siman largo



For di diabierna ultimo e temporada di campamento a cuminsa y ta finalisa dia 16 di april awo. Mayoria di hende a probecha e fin di siman largo pa pasa algun dia den famia. Lamentablemente e fin di siman largo a cuminsa di mal forma pa famia G., ora cu un baby di un año y mey a hoga den un pool. Un incidente cu a laga un tristeza grandi. Banda di esaki tabatin diferente accidente pero danki Dios nada grandi.

E año'ki Polis a otorga pa e area di San Nicolas un total di 85 permiso. Un total di 1534 persona a registra di ta campa na San Nicolas.

Pa area di Noord a otorga 53 permiso pa 939 persona cu a bisa di lo bay campa. Na Playa a duna 41 permiso pa 725 persona. Pues por mira claramente cu mayoria di hende a bay campa na San Nicolas.

Antes area di Noord tabata esun mas popular y cu hopi ambiente. Sinembargo por corda tambe cu a declara algun area di Noord naturalesa protegi y e cantidad di hendenan a baha, ademas di construccionnan cu a bini acerca cu a causa cu hopi famia cu pa mas cu un generacion tabata campa a perde nan sitio.


Renobacion Columbusstraat y Wilhelminastraat

Departamento di Obra Publico ta informa pueblo di Aruba en general y specialmente nos automobilista y peatonnan tocante e renobacion y estructura e caminda di Columbusstraat y un parti di Wilhelminastraat for di e crusada di Columbusstraat te cu e crusada di Ooststraat.

E caminda nan lo wordo renoba y estructura den e siguiente fase.


Fase 1,
Renobacion di Columbusstraat, unda lo estructura pa traha e caminda di klinkers y crea mas areanan di klinkers na banda di caminda pa e peaton. Crea mas area di parkeer y embece e area cu klinkers, mata y luznan.

E trabao den Columbusstraat lo tin un duracion di 30 dia di trabao.



Fase 2,
Renoba Wilhelminastraat for di e crusada di Columbusstraat te cu crusada di Ooststraat, unda tambe lo estructura pa traha e caminda di klinkers y crea mas areanan di klinkers pa e peaton. E trabao den Wilheminastraat lo tin un duracion di 20 dia di trabao.

E trabaonan lo cuminsa diamars awo 11 di april 2023 y lo tin un duracion total di 50 dia di trabao.



En conexion cu esaki Departamento di Obra Publico ta hasi un peticion na tur peaton y manehado di auto pa tene cuenta cu e trabaonan cu ta tuma luga. Pa cual nos ta pidi tur automobilista, negoshinan y otro usarionan comprension y disculpa pa cualkier inconveniencia cu e trabaonan por ocasiona.

Wardacosta ta intercepta boto cu droga y 5 hende homber



Dialuna ultimo den oranan di anochi Wardacosta den bon cooperacion cu Cuerpo Policial Aruba a detecta un boto drelando awanan teritorial di Aruba den direccion di Rodgers Beach. Mesora Wardacosta a dirigi un di su botonan Metal Shark cu a logra intercepta e boto cu tawata tin intencion pa drelda Aruba cu droga na bordo.

Abordo di e boto tawata tin 5 hende homber, di cual 4 di nacionalidad Venezolano y un Colombiano. E hombernan riba e boto tawata tin 4 bulto cu tawata contene bastante droga. E personanan a ser entrega na Cuerpo Policial di Aruba y e caso ta den investigacion.

Pa por sigui garantiza seguridad na nos fronteranan Wardacosta ta traha den bon cooperacion cu su partner nan cual nan ta, Cuerpo Policial Aruba, Douane, Guarda nos Costa y Inmigracion pa combati tur forma di criminalidad.



BUCUTI & TARA
BEACH RESORT • ARUBA

Elements
RESTAURANT

WE ARE HIRING



TOP 25 RESORTS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

POSITIONS:

- DIRECTOR OF ENGINEERING
- ENGINEERING SUPERVISOR
- TECHNICIAN
- FRONT OFFICE SUPERVISOR
- CONCIERGE/FRONT DESK AGENT
- HOUSEKEEPING SUPERVISOR
- HOUSEMAN
- SOUS CHEF
- F&B SUPERVISOR
- COOK/COOK HELPER

BENEFITS:

- ATTRACTIVE SALARIES
- BONUS OPPORTUNITIES
- 5-DAY WORKWEEK
- UP TO 27 VACATION DAYS (BASED ON YEARS OF SERVICE)
- INSURANCES (LIFE INSURANCE, VISION & DENTAL, HEALTH DISABILITIES)
- SAVINGS & LOANS PROGRAM
- EMPLOYEE DISCOUNTS

APPLY ONLINE AT WWW.BUCUTI.COM/CAREERS

AWE Mainta

**CLICK AKI PA MANDA BO
OPINION OF COMENTARIO**

E-MAIL NA NOTICIA@AWEMAINTA.COM

En preparacion pa realisa e proyecto di Aruba Hydrogen Valley

Gobierno di Aruba y Acciona Energia lo tene un reunion



Diaranson mainta durante conferencia di prensa, Minister di Energia Glenbert Croes a anuncia cu e compania multi-nacional Acciona Energia di Spaña, lo bin Aruba pa acesora y conseha Gobierno di Aruba riba e desaroyo di e Aruba Hydrogen Valley. E delegacion encarga, lo ta biahando pa Aruba despues di Semana Santa, pa inicia cu e preparacionnan pa cu e proyecto

aki.

Pa Gobierno di Aruba, e decision pa a identifica Acciona Energia como e compania encarga cu e desaroyo di e proyecto grandi aki, sigur ta un motibo pa celebra. E compania multi-nacional, ta uno renombra y di credibilidad halto, cual pa Aruba tabata un factor determinante den e proceso di seleccion.

Minister Croes a expresa cu Aruba ta un isla ta bendiciona cu su rikesanan natural cu ta e lama, solo y biento, cu ta factornan necesario pa produci “green hydrogen” pa e futuro desaroyo di nos pais. Aruba lo ta e prome pais den region pa tin un “hydrogen valley” y lo ofrece e oportunidad pa suministra esaki pa otro islanan den region y

talbes hasta Europa.

E mandatario a indica cu e desaroyo di e Aruba Hydrogen Valley lo tin un impacto grandi riba e economia di pais Aruba. E proyecto aki lo crea cupo di trabou, trabou pa contratistanan, lo produci un “spin off” economico pa San Nicolas, pa Aruba y lo genera mas entrada pa e caha di gobierno.

“Mi ta gradici e delegacion cu a compaña mi durante full e trayecto aki y a sostene e idea di Gobierno pa comberti pais Aruba den e prome isla den region pa tin un Aruba Hydrogen Valley. Ta danki na boso sosten y sosten di henter e comunidad, cu pronto e proyecto importante aki lo bira un realidad”, Minister Croes a expresa.



PASEO HERENCIA

*THE BEST ENTERTAINMENT
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

Chikitin a cay den pool y a perde su bida

Diabierna den careda algo prome cu 2'or di merdia, a bati alarma na momento cu un baby di 1 aña y mey a hoga den un piscina na un adres na Sabana Basora. Famia hopi desespera a pidi pa presencia di ambulance y polis cu hopi urgencia.

Na yegada di polis y ambulance, por a mira e paramediconan mesora cuminsa eherce CPR cu e criatura, tambe por a nota e miembronan di famia presente hopi desespera y altera, un golpi hopi fuerte pa e famia., pa e motibo aki a pidi pa presencia di Slachtofferhulp. Janine di Slachtofferhulp hopi lihe a yega na e cas pa asina asisti e famia den e tristesa grandi.

Varios patruya di polis tambe tabata na e cas, pa basta rato e paramediconan di ambulance a keda intenta di reanima e criatura pero sin resultado, despues di varios intento a bin ripara cu e curpa di e criatura ya no tabata reacciona mas y cu el a fayece. No a keda e paramediconan nada otro di tapa



e curpa chikito sin bida y pidi pa presencia di un dokter pa constata morto.

Mientras tabata wardando riba dokter por a nota yegada di polis tecnico y tambe varios miembro di famia di e criatura. Un tristeza masha grandi mes pa e famia, cu no tin palabra pa describi'e. Den careda di 3'or y 10 Dr. Texier a constata morto di e baby di inicial J.R.G. naci na Aruba.

Na famia di e angelito ta bay palabra di condolencia y forsa.

Chef a cay di plataforma di cinco meter halto



Diasabra den careda di 2'or y 45 di atardi un homber a subi riba un plataforma na un restaurant na Palm Beach y pa un of otro motibo a cay for di e plataforma aki cu ta mas di 5 meter halto y a keda herida.

Aparentemente e homber cu a cay lo ta un chef cook di e restaurant. Mesora a bati alarma, polis a yega hopi lihe na e sitio y un rato despues dos ambulance tambe a cera na e restaurant. E paramediconan di ambulance a bin topa cu e homber benta abou, e tabata na tino pero tabata keha di hopi dolor na su heup.


E paramediconan despues di a trata e homber na e sitio a transport'e cu urgencia pa hospital, pa un tratamiento medico mas avansa.

Kiosco den Havenstraat a kima completo

Diabierna atardi birando anochi alarma a wordo bati den centro di ciudad pa un luga na candela. Na prome instante no por a detecta di unda e huma tawata bin. Algun rato despues Bomberonan a haya informacion exacto cu ta un Kiosco bandona dilanti Kong Hing Supermarket tawata na candela. E caya a wordo cera pa polis banda di pariba, evitando cu trafico ta bay abou unda e truck di brandweer tawata pagando e candela. Dos unidad di Brandweer a presenta y den un tempo cortico a domina e candela. Na e sitio nos a compronde cu mas probablemente e lo tawata cendi intencionalmente, posiblemente door di adictonan ambulante den e area cu ta hopi



Motociclista herida; den accidente ariba Rotonde di Bushiri



APPAREL

BOAT ACCESSORIES

TOD-MAR

Facebook: TodomarAruba | Twitter: @TodomarAruba | Instagram: TodomarAruba | Phone: +297 585 0555

FISHING TACKLE

FIBERGLASS PRODUCTS

Diadomingo anochi pasa di 8'or a sosode un accidente di brommer ariba e rotonde di Bushiri cu ta conecta cu Watty Vos Boulevard. Polisnan cu a yega ta topa cu un motociclista herida ariba caminda drumi y tawata keha di bastante dolor na curpa.

E brommer mes, cu ta parse un Harley a keda benta un poco mas leu, hunto cu un borch di trafico pega cu ne. Na e sitio nos a compronde cu e brommer tawata biniendo for di e rotonde cu ta conecta cu Schotlandstraat pa e rotonde unda e la accidenta. Pa un of otro motibo, e brommer a pasa cerca di e beton pa algun centimeter y a ranca un borch di trafico pa bay sigui cay banda drechi di e rotonde.

Mester bisa cu e motociclista aki tawata tin hopi suerte mes, mirando cu si e la dal contra e rotonde e resulta por tawata devastador. Parademediconan cu a presenta a prepara e herido y despues a sali cu ne direccion di Hospital. Den pasado e mesun rotonde aki a cobra bida di un turista, momento cu nan V-car a dal stret contra dje

Violencia domestico casi a sali for di man y muhe mester a sconde

Diasabra algo prome cu 11'or y cuarto di anochi, presencia di polis cu hopi urgencia a wordo pidi na Borocana. E motibo ta pa bay yuda un muhe cu tabata scondi den mondi patras di un container cora, pasobra su casa completamente altera lo tabata buscando e dama pa bati'e. Pa evita un maltrato mas severo e dama a dicidi di bay sconde y pidi pa presencia di polis.

Hopi lihe dos patruxa di polis a yega na e sitio y na yegada enberdad den e scuridad di anochi a bin topa cu un dama basta spanta scondi patras di un container. E dama a splica polis cu e y su casa a haya un discusion formal y den e discusion aki su casa a cuminsa reclam'e cu e ta haciendo straño y cu e lo ta gañand'e cu un otro homber.

Na momento cu e homber a cuminsa bira hopi agresivo, e dama yen miedo, a tuma e decision di huy for di su cas na Sero Pela, pa asina evita cu cos bay mas for di man y cu e lo por wordo seriamente maltrata pa su casa. Manera e dama a haya un chens, el a sali na careda for di su cas na Sero Pela y a bay sconde patras di un container cora na Boroncana, caminda e la keda scondi t'e ora cu polis a yega.

Despues cu polis a papia cu e señora, nan a bay na e cas pa atende cu e homber riba su comportacion y a bis'e bon cla cu si algo asina mester bolbe ripiti e lo wordo deteni. Polis a conseha e dama pa hunto cu su dos yiunan bay pasa e resto di anochi cerca un familiar pa evita cu e problema escala bek y bira pio.



E tipo di violencia domestico ta cosnan di añanan tumando luga na Aruba. Principalmente hombernan ta bira agresivo ora cu alcohol coy culpa y no por controla nan mes. Antes masha poco di e casonan aki ta yega na oido di polisnan y ta keda scondi den seno familiar.

Persona cobando pa pone nan tent a haya pakinan di droga

Mas o menos 1or di atardi melding a drenta via Central Di Polis cu na Grapefield hendenan cobando pa pone nan tent a bin encontra pakinan di droga.

Mesora personal di K9 y Unit Georganiseerde Criminaliteit a wordo poni na altura, a bay na e sitio y confisca e pakinan pendiente di mas investigacion.



Directiva di Fundacion Conserva Area Cristal cu un denuncia publico



Ultimo simannan e Fundacion a constata cu personanan di otro area kier cuminsa haci e area di Sero Cristal un dump di sushedad y un luga pa dump cacho y pushinan cu nan no kier mantene mas.

Ta tristo pa constata cu personanan sin responsabilidad y abusivo ta scoge pa destrui e area di naturalesa aki. A yega asina leu den weekend cu cachonan laga atras den area di Sero Cristal a drenta cura di un criadero di gaynan di pelea den marduga y a mata no menos cu 40 animal balora na un total di 35 mil Florin. Ora cu un habitante a reclama un persona cu a dump sushedad e persona en cuestion hasta a altera y a medio menasa e habitante cu a reclame.

Tur e desaroyo aki ta pone cu habitantenan di e area lo bay haci esfuerzo necesario pa por instala camara na luganan strategico pa asina nota e numbernan di auto cu ta bin na area Cristal pa contamina nos naturalesa cu sushedad y dump nan cacho y pushinan pa por publica esakinan pa pueblo haya sa ken nan ta.

E habitantenan mes mester tuma medida pasobra ningun instancia ta eherce e control necesario. Nos ta spera cu e denuncia y aviso aki ta un alerta pa personanan cu no tin e responsabilidad necesario por reflexiona. Un danki Di parti di Directiva di Fundacion Conserva Area Cristal pa transmiti e nota aki.

Accidente cu bastante daño material ariba e caminda di Rooi Santo



Dialuna atardi algo prome cu 4'or y mey un accidente cu basta daño material ta sosode ariba e caminda di Rooi Santo. Debi cu tawata trata di un accidente basta duro mesora habitantenan a yama polis. Cu urgencia unidadnan policial a yega e sitio y chauffeurnan a bisa cu nan ta ok, pero e daño material si tawata bastante.

E accidente a sosode momento cu e Nissan Versa a bay pasa un bus sin pone atencion cu tin un pickup Chevrolet yegando ey mes. Esaki a pone cu e ta dal di sorpresa frontal contra e pickup.

Algun rato despues, ambos chauffeur a cuminsa sinti dolor y polisnan a solicita pa 2 ambulance.

Na nan yegada, e Paramediconan a controla ambos chauffeur na e sitio mes y no necesario bay Hospital cu nan. E golpinan tawata mas tanto di e airbags cu a sali y dal den pecho.

Turista burachi a hit&run na Eagle


Diadomingo anochi polis a bay pa un caso di hit&run cometi door di un turista. E incidente lo a tuma luga altura di e parkeerplaats pan-ort di Costa Linda y e auto lo a sali bay direcci-on nort y ta para den e caya entre La Cabana cu Paradise Beach Villas. Agentenan cu a topa cu e auto y e turista a mira mesora cu e ta burachi. Polis a splic'e locual a sosode y tambe locual lo bay pasa esta cu e ta wordo deteni pa core auto burachi.

Na e sitio unda e la dal e otro vehiculo polis a keda y polis di trafico tambe a wordo poni na altura y a presenta na e sitio pa tuma dato. Transportwagen a presenta y a bay cu e turista warda.



Ariba caya:

Polis a topa problema di pareha, debi na un tercera persona



Diadomingo anochi pa-truya di Santa Cruz a topa cu dos auto para na un negoshi altura di ro-tonde di Tanki Leendert. Agentenan a baha pa mira kico tawata pasando y a resulta cu tawata discu-sion di pareha. Ta asina cu un lo a “gara” otro cu un tercera persona y a bin termina ariba tereno di un negoshi. Eynan cos a bira bastante emocional. Polis a compronde cu durante cu nan a core tras di otro un lo a touch auto di e otro persona.

Por a mira cu polisnan a papia cu ambos partido y pa buena marcha pa e rato eynan lo a move of a pidi pa un di e damanan involvi bandona e sitio.



Na caminda pa Aruba International Regatta riba 26 & 27 di Augustus



PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

AUTHENTIC ARUBAN & CARIBBEAN BUFFET

Elements
RESTAURANT

LOCATED AT BUCUTI
& TARA BEACH RESORT
RESERVATIONS REQUIRED

elementsaruba.com | +297 592 5868
ADULTS ONLY | CASHLESS | NO SMOKING | NO GROUPS

\$24.50
SERVICE CHARGE
INCLUDED

E evento Aruba International Regatta venidero lo tuma lugar den diferente localidad na Aruba riba 26 y 27 di Augustus 2023. Nabegantenan y bishitantenan di Aruba, Bonaire y Curaçao ta invita, e caminda blaww di lama ta habri y obtenibel no solamente pa negoshi pero sigur pa diversion tambe!

E Regatta ta aspira pa trece nos tur hunto riba lama pa disfruta di un actividad fisico divertido, empodera pa nos dushi biento. Aruba Regatta Foundation ta informa cu e caredanan ta simplemente un excuus pa nos Sali for di cas y oficinanan y bisti nos flip flops cu zwembroek. E caredanan ta planea den diferente categoria, y localidadnan durante e dos dianan aki. E localidadnan exacto di careda lo wordo anuncia.

E Regatta ta yama bon bini na capitannan regional di tur edad. Bo por mira e potretnan riba Facebook @arubaregatta di aña pasa su evento cu tabata uno super exitoso.

Esnan cu lo participa entre otro:

Mini Sailboats, Beachcats, Optimists, Kites, IQ-Foils, Windsurfers, Sunfishes, Lasers & Yachts, tur lo ta den careda den costa di Oranjestad pa loke lo bira un tremendo espectáculo.

E organisacion strategico di e aña aki lo wordo maneha pa dos miembro veterano di Aruba su comunidad di sailing, Rik van der Vaart, Anthony Hagedoorn, hunto cu varios boluntario.

Rik y Anthony ta mira regatta manera un oportunidad pa conscientisa e isla riba e importancia di nos coexistencia sostenibel den harmonia cu e lama rond di nos. Regatta ta pa educa tur participante tocante e importancia pa preserva y proteha nos lama, den anticipacion pa loke ta Aruba Marine Park.

E meta ta pa atrae hopi mas nabegante hoben cu ta posibel pa inspira amor den nabegacion pa loke ta nos hubentud, y conecta bishitantenan y localnan na nos naturalesa.

Den e forma aki ta conscientisa y encurasha tur pa yuda salvaguardia nos recurso di mas importante di cual nos ta depende di dje pa biba.

arubanationalpark.org/main/

5 Doping Control Officer nobo pa ARUNADO



Despues di tres dia intensivo di training ARUNADO (comision Anti-Doping di Comité Olimpico Arubano) ta conoce, despues di 7 aña, atrobe un grupo nobo di cinco Doping Control Officer. E grupo nobo aki ta consisti di 2 masculino y 3 femenino.

E Doping Control Officer (DCO), segun exigencianan di Caribbean Regional Anti-Doping Organization (RADO) y e World Anti-Doping Agency (WADA), ta e unico persona autorisa pa colecta muestra (urina) di un atleta pa hasi control di dopahe. Esaki ta e manera pa controla y garantiza cu un atleta ta liber di dopahe y ta eherce deporte limpi, cu otro palabra e ta eherce FAIR PLAY.

Un Doping Control Officer tin como tarea y responsabilidad pa garantiza cu e proceso di e control di dopahe ta tuma luga segun e criterionan estricto stipula den e World Anti-Doping Code. E proceso ta consisti di diferente pasonan entre otro: notificacion di e atleta, coleccion di e muestra, preparacion di tur e documento y manda e muestra pa un laboratorio acredita.

E tres dianan di training a consisti di dos parti esta un parti teoretico y un parti practico. Esakinan a bay den un ambiente hopi ameno den cual e cursistanan di comienso a haci hopi pregunta y a trece hopi escenario dilanti cu por encontra durante e proceso di control di dopahe. Na final di e di tres

dia e cursistanan mester a haci un examen teoretico y practico.

Tur cinco cursista a pasa e examennan cu puntonan hopi halto pa cual e facilitado a expresa su orguyo di con bon e cursistanan a score. E training a wordo facilita pa e Doping Control Officer acredita pa Caribbean RADO cu amplio experiencia riba nivel internacional, Angelique Koolman.

E Doping Control Officers cu a completa e training ta:

Azriah Palm, Marco Dupersoy, Corina Boekhoudt, Shari-Ann Phillips y Shariënne Winterdaal (best geslaagde). Nan a ricibi nan certificado for di representantenan di Comité Olimpico Arubano, sra. Zulema Erasmus y sr. Maarten Willems y tambe representante di Stichting Sportsubsidie Aruba, sr. Tito de Cuba.

Comité Olimpico Arubano ta felicita cada Doping Control Officer nobo cu e bunita logro y ta desea nan hopi exito den cada control di dopahe cu nan lo ehecuta. Un trabou importante cu hopi balor pa asina mantene deporte liber di dopahe.

Tambe ta gradici Stichting Sportsubsidie Aruba cu a pone e fondonan disponibel pa organisa e training importante aki. Por ultimo ta manda un palabra di gradicimento na Angelique Koolman cu atrobe a haci un tremendo trabou como facilitado di e Doping Control Officer's Training.

The Hilton Aruba Caribbean Hotel & Casino ta dedica na servicio comunitario



The Hilton Aruba Caribbean Resort & Casino a lansa un iniciativa interno cultural aña pasa, diseña pa aumenta envolvimento di empleadonan pa loke ta nos comunidad y cu otro coleganan.

Como parti di e compromiso cu henter e resort ta comparti pa loke ta asuntonan social y su causanan, empleadonan a dicidi pa participa den programanan boluntario, iniciativanan di donacion di cuminda, cleanups y otro trabaonan cu ta brinda impactonan social positivo, un bes pa luna, cu cada departamento biniendo na beurt pa participa.

E siman aki tabata departamento di Accounting su beurt, siguiendo e peticion di un docente y swim coach, empleadonan a yega San Nicolas mainta trempan na Abraham de Veer pa 5:30am y cuminsa traha. Nan a prepara cuminda y bebida pa e catering di loke tabata e Sport Day



anual, pa mas cu 270 estudiante, educadornan y staffers cu tur cos manera sandwich, cookies, soft drinks, pa henter un dia.

Luna pasa, departamento di Front Office y Cushina a encarga nan mes cu dos proyecto ambicioso. Empleadonan di Front Office a encarga nan mes cu verf e murayanan y reparacion di dak na Colegio Nigel Matthew, mientras cu e departamento culinario a bay Fontein Kleuterschool, un scol primario, na unda nan a prepara 100 sandwich, y 100 chocolate chip cookies, combina cu lechi, fruta fresco y juice pa tur mucha y miembro di facultad. E studiantenan hoben tambe a ricibi crayons nobo hunto cu un buki di kleur.

Casnan di nos grandinan contento cu ayudo di Aruba Lions Club

Sirbiendo comunidad pa mas cu 75 aña na Aruba, un bishita mas weekend pasa, Aruba Lions Club a sali pa sigui cu su proyecto di “Smile Mobile” y a bishita e biaha aki Sint Michael Paviljoen y tambe San Pedro di Verona na playa cu ta e centro di cuido pa nos grandinan na nos hospital bieu.

Ariba e diasabra aki tambe a instala un miembro mas di Aruba Leo Club cu ta Catherine Wernet cu pa algun tempo tawata mustrand su interes, pa forma parti di e muchanan cu ta hasi trabounan boluntario pa comunidad.

Un Pabien na e Leo Club y nan leadernan cu un miembro mas.

A sigui mes ora cu e trabounan di e dentadura di nos grandinan cu a haya un bon limpieza y otronan cu mester a drecha y asina e dia a pasa y mientras esaki a tuma lugar e grandinan a wordo entreteni paden cu e musica di e leonnan y tambe cu e muchanan di Leo Club cu a percura pa e grandinan ricibi algo di smaak.

Cu e cooperacion di Bright Bakery, Universal Technologies Aruba, Price Smart, Friends of Lions cu a percura pa e algo di smaak, hunto cu tur e miembronan di Aruba Lions Club y Leo Club, a haci sigur e proyecto aki exitoso un biaha



mas y tambe esnan responsabel pa esaki Lion Igor Croes y Lion Magaly Franken cu nan bon trabou formando parti di e comision di “Smile Mobile”.

Pronto Aruba Lions Club lo lansa e proyecto aki pa tur esnan den comunidad cu berdaderamente mester di esaki, por ricibi e servicio di nan dentadura y tambe otro tipo di controlnan medico cu lo por bay wordo duna den un proyecto di Aruba Lions Club.

Keda pendiente y Aruba Lions Club lo anuncia esaki pronto pa asina contribui un biaha mas na comunidad.

Idea ta organisa e Workshop “Tips & Skills for Building an Entrepreneurial Team”

Departamento di Asuntonan Economico, Comercio y Industria mediante su unit di Iniciativa pa Desaroyo pa Empresa Arubano (IDEA) y cu colaboracion di su unit Establecimiento di Negoshi, kier invita tur persona cu ta den proceso pa habri un negoshi of cu ya tin un negoshi existente caba, pa asisti na IDEA su workshop di “Tips & Skills for Building an Entrepreneurial Team” dia 17 di april venidero.

E oradora, sra. Charisse Hoen-Daly, experto den Marketing & Communications y actualmente trahando na Universidad di Aruba, lo presenta par di tipnan y habilidad con pa crea un bon team pa opera y maneha un negoshi cu e meta pa esaki sigui desaroya y crece. Trahando den un team cu persona cu bo por confia y respeta, por haci e operacion y maneho di un negoshi mas facil.

E workshop aki ta completamente GRATIS y ta tuma lugar na Departamento di Asuntonan Economico, Comercio y Industria, den Sun Plaza Building, piso 2, sala no. 25. E orario di workshop ta di 9:00am – 11:00am.

Pa tur futuro empresario y esunnan existente cu ta den proceso pa habri un of otro negoshi, por atende e workshop aki.

Pa por participa, mester registra via e siguiente link riba Eventbrite of por haya e link aki tambe riba nos Facebook page @Idea-Aruba:

<https://www.eventbrite.nl/e/workshop-tips-skills-for-building-an-entrepreneurial-team-tickets-605200510017>

Registracion ta obligatorio y cupo ta limita. Si acaso mester di mas informacion tocante e workshop, por tuma contacto cu sra. Louella Croes-Ras na IDEA via telefon #: 521-2400/521-2439. Tambe por sigui IDEA riba su Facebook page @Idea-Aruba of bishita nos website nobo: www.idea.aw.

Abo tin un Idea? Haci bo Idea realidad. Bishita IDEA na Departamento di Asuntonan Economico, Comercio y Industria, na Sun Plaza di dos piso, y nan lo yuda bo cu tur informacion y guia necesario.

Anuncio di inicio di campaña anual pa desaroyo sostenibel

“Eight to eight, because our planet can’t wait”

BACKGROUND

Na aña 2022 Rainbow Warriors Core Foundation a crea un campaña anual nobo cu ta core di April 8 te cu Juni 8, yama “Eight to Eight, Because Our Planet Can’t Wait”.

E idea ta cu mester di un campaña cu ta dura mas cu solamente algun dia den aña manera Dia di Tera, Dia Mundial di Medio Ambiente pa enfoca riba e necesidad urgente pa accion inmediato y consistente continuo pa cumpli cu e metanan pa combati cambio climatico, e Obhetivonan pa Desaroyo Sostenibel (SDGs), y proteccion mundialmente di biodiversidad y ecosistema, di cual ultimo algun ta vital pa nos seguridad alimentario y salud global.

Nos planeta no por warda mas, pasobra si ser humano tarda pa cumpli cu deadline urgente, lo ta demasiado laat pa scapa Planeta Tera.

EIGHT TO EIGHT, BECAUSE OUR PLANET CAN'T WAIT

E campaña aki ta core anualmente di April 8, te cu Juni 8. E tin un dobel enfoke.

Decadanan internacional y di Nacionnan Uni

Lo cubri e tematicanan di lo siguiente:

1. Decada Internacional Di Lenguanan Indigena (2022-2032)
2. Decada di Nacionnan Uni pa Envehecimento Saludabel (2021-2030)
3. Decada di Nacionnan Uni pa Restauracion di Ecosistema (2021-2030)
4. Decada di Nacionnan Uni di Ciencia Oceanico pa Desaroyo Sostenibel (2021-2030)
5. Decada di Nacionnan Uni di Agricultura Familiar (Cunucu, agricultura escala chikito) (2019-2028)
6. Decada Internacional pa Accion “Awa Dushi pa Desaroyo Sostenibel” (2018-2028)
7. Decada di Nacionnan Uni di Accion pa Nutricion (2016-2025)
8. Decada di Nacionnan Uni di Energia Sostenibel pa Un y Tur (2014-2024)

DIANAN INTERNACIONAL

- Dia Internacional di Vuelonan Espacial Tripula, April 12
- Dia Mundial di Creatividad y Innovacion, April 21
- Dia di (Mama) Tera, April 22
- Dia Mundial di Buki y Derecho di Autor, April 23
- Dia Mundial pa Siguridad y Salud na Trabao, April 28
- Dia Mundial pa Libertad di Prensa, Mei 3
- Dia Internacional di Salud di Planta (FAO), Mei 12 (NOBO)
- Dia Mundial di Parha Migratorio, Mei 14
- Dia Mundial di Telecomunicacion y Sociedad di Informacion. Mei 17
- Dia Mundial di Abeja, Mei 20
- Dia Mundial pa Diversidad Biologico, Mei 22
- Dia Mundial di Bicicleta, Juni 3
- Dia Mundial di Medio Ambiente, Dia Mundial pa Combati Pesca Ilegal, No Raporta y No Regula, Juni 5
- Dia Mundial di Siguridad den Preparacion/Produccion di Cuminda, Juni 7
- Dia Mundial di Oceano, Juni 8

Antesala pa campaña di 2023: Dia mundial di salud, 7 april 2023

Tema “salud pa un y tur”

Comokiera cu e aña aki ta e di 75 aniversario di Dia Mundial di Salud, cu ta ser observa 7 april tur aña, a opta pa pone e fecha aki den e antesala di nos campaña.

E tema pa 2023 ta “Health for All”, “Salud pa Un y Tur” y e punto di salida ta cu tur hende mester tin bon salud pa hiba un bida satisfactorio den un mundo pacifico, prospero y sostenibel.

E derecho na salud ta un derecho humano basico. Tur hende mester tin acceso na servicio di salud publico na e ora y luga na unda mester di nan sin obstaculo economico.

Aseguro medico general mester provee proteccion financiero y acceso na servicicionan basico di calidad, mester saca hende for di pobresa, promove e bienestar di famia y comunidad, proteha contra crisis di salud publico y hiba nos na “Salud pa Un y Tur”.

Pa “Salud pa Un y Tur” bira un realidad tur persona y comunidad mester tin acceso na servicio di salud di calidad halto pa por garantiza nan propio salud y di nan famia, mester di trahado den ramo di salud cualifica, un sistema di cuida enfoca riba e ser humano y gobernantenan dispuesto pa inverti den un bon sistema di cuida medico general.

Progreso den cuida medico mester ser acelera si kier cumpli cu e SDGs relata na salubridad.

Inverti den sistema di cuida medico fuerte ta critico pa un comunidad prospero. Aumenta financiamiento publico den salubridad y baha gastonan “out-of-pocket”, esta “eigen bijdrage” ta salba bida y ta contribui na cumpli cu e SDGs.

Involucra y empodera persona, famia y comunidad pa aumenta participacion social y mehora e autocuida (selfcare) pa salud den e sistema di salud pa percura cu hende ta central den tomo y resultado di salud.

Permiti participacion di tur stakeholder den e planificacion di gobierno, revision di progreso y e implementacion di un sistema di cuida medico general y aseguro medico general.

Fortalece sistema nacional di salud y aseguro medico general uzando un enfoque riba cuida medico primario pa brinda servicio basico di cuida cu proteccion financiero y pa dirigi esaki riba y atende cu esnan mas den necesidad y pa mehora e salud y bienestar di hende di tur edad den un forma igual.

FORMATO DI E CAMPAÑA

E campana aki lo probecha di tur tecnologia existente di medionan social y lo utiliza “story telling” a traves di comunicado di prensa, fact sheets, medionan interactivo, Facebook, blogs, websites etc.

Fact sheets, tool kits y materialnan di informacion lo ser haci disponibel riba Internet, y nos ta haci esfuersonan pa haya cobertura den medionan imprimi den forma di entrevista y articulo.

PRENSA Y PREGUNTA EN GENERAL

Pa mas informacion, of pa colabora cu nos, por tuma contacto via telefon/Whatsapp na 7478280.



Ultimo dianan pa inscribi bo mes

Participa na e fabuloso workshop di 3D Escultura

Na Ateliers '89 Punto Di Beyas Arte Aruba



Si miho cos bo por haci! Ta, manda un e-mail na elvis@ateliers'89.org. Y asina inscribi bo mes, pa bo no perde e oportunidad aki! O djies yama na 5654613!

Pakico:

- Pa bo siña traha den estilo contemporaneo. Creando asina bo mes un obranan den 3d Escultura.
- Pa bo mes crece y desaroya den bo inspiracion experimentando hunto pa bo mes un obranan nobo den un excelente team.
- Pa bo compronde y prepara bo mes pa presenta bo miho obranan mas miho cu ta posibel den e exposicion na final di e workshop.
- Pa bo pasa WAW y muestra tur bo amigonan bo obranan nobo cu bo a traha durante e workshop aki.

Bini y traha cu Maze e maestro y un di e gran artistanan di Hulanda cu obranan excelente. Mira aki con mi a gusta y pakico e trabounan di Maze. Nan ta hopi bes directo "in your face", y ta pone bo pensa di biaha pakico y punta bo mes kico nan ta. Manera e cas di mata aki, increibel mente bon pensa mes. Colgando e obra ariba un fontein muhando e matanan di mes. O ta e awa cu no tin suficiente na mundo y a bo si tin pa muha bo matanan.

Tambe mi ta gusta esun aki hopi mes;

E auto di box di un "Coney Island" cu no ta coriendo. Pero cu si ta duna bo e sentimento y trece e recuerdo nan bek cu bo tin di esaki ora bo drenta sinta den dje. Un exito cu e muchanan. Por ultimo naturaleza morto. E obra aki unda e ta pinta su naturalesa morto cu saconan di simia di diferente tipo di flor. E ta keda morto tanten bo no plante. O e no lo wordo planta nunca y keda morto. Aki ta refleha riba e tanto naturalesa mortonan di e gran maestronan pintor den temponan di Rembrand. Bin traha cu Maze y drenta un mundo diferente cerca nos y crea bo mes un obranan den 3D Escultura. Y join asina cu mucho gusto, nos tremendo team di Ateliers'89 Punto Di Beyas Arte Aruba.

Workshopnan ta pa un luna. Di Dialuna pa Diahuebs di 6.30 pa 9.30pm. Tin diferente areglo di pago. Unda semper ta yuda y aporta te na unda cu por. Y ta purba semper di traha cu menos costo cu ta posibel. Ateliers'89 PDPA, ta situa na man drechi riba e crusada di Maria college na Playa.

INSCRIBI BO MES AWOR OF YAMA!



Temporada di Driekiel a cuminsa



Algun siman pasa e prome neishi di Driekiel (Leatherback Sea Turtle) a wordo poni na Aruba. Turtugaruba kier duna algun informacion tocante e turtuga di lama. E Driekiel (manera mayoria di turtuga marino) ta den peliger di extincion na mundo henter i mester di nos atencion.

Riba e potret nos ta wak un Driekiel mama cu a sali mainta tempran dilanti di Costa Linda.

Pero normalmente turtuganan ta subi den scuridad di anochi pa traha su neishi.

Turtugaruba ta pidi ayudo di tur hende pa lo siguiente:

Ora ta observa un turtuga subiendo tera of ta riba beach poniendo webo.

- Na prome luga tuma contacto cu Turtugaruba



(Turtle Hotline + 297 5929393)

- No acerca e animal, tene distancia. (Por lo menos 10m)
- Mayoria parti e turtuga subi tera den e scuridad di anochi.
- Paga tur e luznan den vecindario. "Sea turtles dig the dark".
- No saca potret cu flash ni tampoco uza flashlight ni cell phone (e screen mes ta duna hopi luz)
- Luznan artificial por stroba e turtuga di traha neishi. Tin posibilidad cu e turtuga ta drenta lama bek y laga cay e webonan den awa. Anto full e neishi ta bay perdi.
- Limita movicion y zonido pa no molestia e animal.
- No purba yuda e turtuga bay bek lama pero percursa cu no tin hende entre e animal y lama. Si su wowo no ta wordo molestia pa luz artificial e turtuga lo regresa lama bek sin problema.
- Full e proceso por tuma dos ora.

Ta hopi great si bo ta wak un turtuga, pero percursa cu e turtuga no ta wak abo!

Pa mas informacion por tuma contacto cu Turtugaruba:

TURTLE-HOTLINE: +297 5929393 E-mail : turtugaruba@hotmail.com

Di antemano un danki masha grandi pa bo ayudo.

Fortaleza Pa Famia

Ban stabilisa nos fe den Dios

TEMPO mi tabata mucha, mi tabata papia manera mucha, pensa manera mucha, rasona manera mucha, ma awor cu mi a bira homber, mi a pone tur cos di mucha un banda (1Corintionan 13: 11).

Manera e mundo ta avansa cada dia den tecnologia, ciencia, inmoralidad y perversidad, ta tempo pa nos Fe crece tur dia mas den Señor, pasobra locual ta vence mundo ta nos Fe.

Sin Fe ta imposibel agrada Dios, y nos Fe ta wordo purba tur dia, pasobra pa medio di Fe nos lo alcanza tur locual nos mester den Cristo Hesus.

Nos mester tin confiansa den Dios, pa asina nos por crece espiritualmente, nos mester tin Fe den Dios pa basha e flechanan di e enemigo abao, nos mester tin Fe den Dios pa rechasa maldad den tur sentido.

Nos Fe no por ta temporal, nos no ta campa den Señor, nos ta biba pa Señor, den Señor nos no tin temporada, pasobra nos tur tin cu perservera pasobra ta para skirbi: Door di boso perseverancia boso lo gana boso alma (Lucas 21:19).

Tur dia nos mester alimenta nos Fe cu oracion y lesando e palabra di Dios, cual ta nos base Spiritual, caminda Dios ta papia cu nos y guia nos, pa asina nos por wordo libra di e enemigo. Nos mester bishita cas di Dios (Iglesia) caminda nos mester haya e cuminda spiritual pa nos bida, pasobra Dios ta bisa pa nos no keda sin congrega.

Notando e velocidad cu maldad ta avansa, con maldad ta wordo aproba, con hende ta tuma malo haci bon, con muchanan mundialmente ta wordo instrui den locual ta perversidad, pa asina nan wordo domina cu scuridad.

Como mayor nos mester demostra Fe, pa asina nos yiunan tin un base for di cas, con nan por para firme, contra bagamunderia y maldad pasobra nos mester siña nos yiunan con ta resisti maldad for di chikito, y nos tur sa cu maldad ta wordo resisti pa medio di Fe den Señor Cristo Hesus.

Haci tur locual ta posibel pa rondona nos mes cu hende di Fe, manera Hesus a haci na e cas di Jairo, pa asina e



milager por a tuma luga (Marco 5:39-43).

Si mundo di scuridad ta kere asina tanto den locual nan kier haci, cu nan por cambia hasta e creacion di Dios, awel nos mester lanta riba y cuminsa proclama Fe den pueblo pa medio di e Evangelio di e reino di Dios.

Ta dificil pa esnan cu ta sirbi Dios por ta confortabel mirando den e direccion cu cos ta bayendo.

Nos tur sa cu señalnan ta demostra cu e binida di Cristo Hesus ta cerca, p'esey mes nos no por drumi, nos mester alerta e mundo henter, di su binida.

Den Mateo 25:1-15 nos tur mester mira con prepara nos mester ta pa e binida di Cristo, y pa nos por haci esey nos mester di Fe.

Den Lucas 21:34-36 ta para scirbi: Tene cuidao pa boso curason no ta carga pa causa di paranda y buracheria y e preocupacionnan di bida y e dia ey bin diripiente riba boso caminda manera un trampa.

Pasobra e lo bin riba tur esnan cu ta biba riba superficie di henter mundo.

Ma sea alerta tur ora bay, haciendo oracion pa boso por tin forsa, pa scapa di tur e cosnan aki cu ta bay tuma luga y para dilanti di e Yiu di hende.

Ma boso rumannan stima edifica boso mes den boso santisimo Fe, haciendo oracion den Spirito Santo (Judas 1: 20).

Awor mas cu nunca nos Fe ta sumamente importante, pa nos bida, cas y famia.

Sinceramente, Pastor Marcel Balootje



"Señor ta mi wardador, mi'n tin falta di nada
Den cunucu di yerba berde
e ta ponemi sosega.
E ta hibami na awa trankil,
Pa mi bolbe haña forsa". Salmo 23

Cu inmenso dolor na nos curason pero nos ta
anuncia fayecimento di:

Marie O. Martin

*15-07-1937 - †01-04-2023

Na number di su:

Mama:

† Melani Guilliere

Tata:

† Ozalva Martin

Yiunan:

Marie Vernois y Stephen Bolah
†Ginette Rejouis
Marie Jourdan
Djonny y Marie Daniel Val
Renel Antoine
†Evna Antoine
Ilma Moise

Nieto(a)nan:

Junior Rejouis (Tiben), Dorothy Rodgers, Osilieta
Rodgers, Gabriel Rodgers, Vanessa Rodgers,
Cynthia Rejouis, Ruth Val, James Val, Daniela
Val, Weslyn Jourdan (USA), Abigail Jourdan
(USA), Christa Antoine, Asmaila Antoine, Wechi
Antoine, Stanley Val, Gabriel Desir (Chile),
Bernadette Desir (Haiti)

Bisanieto(a)nan:

F. Talisha Paesch, Julissa Boekhoudt, Z-on
Orejuella, Dariel Dugarte, Marusha Bichotte,
Jowdrick Trenidad, Javon Carty, Eliyanah
Carty, Anderson Rejouis, Kehlan Rejouis, Kiyomi
Val, Phanordson Emmanuel

Sobrino(a)nan:

Roland Brice
Caryn Brice
Pierre Richard Brice
Ernzo Val, Diene Valdema y famia
Phinette Clerveaux
Pauillet Paillant

Amiga di cas:

Maria Brenda Jimenez
Margareth Guichette

Demas famia:

Martin, Vernoise, Val, Rodgers, Jourdan,
Dugarte, Tromp, Trenidad, Moise, Bichotte,
Jimenez, Abdon, Conquette, Lacle, Kelly,
Bolah, Brice, Paillant, Jimenez, Robles, Milrose,
Carty

Amigonan y famianan di Iglesia el Buen
Samaritano

Ta invita pa asisti na e anochi di condolencia
cual lo tuma lugar Diahuebs 13 di april 2023 y
diabierna 14 di april 2023, di 7or pm pa 9or pm
na Aurora Funeral Home.

Acto di despedida lo tuma lugar **Diasabra 15
di april 2023**, di 2or pm pa 4or pm na Aurora
Funeral Home. Cremacion ta den seno
familiar.



Ik heb mijn moeder niet verloren
Daarvoor gaf zij mij teveel
Wat zij mij zei, blijf ik horen
Van wat ik ben is zij een deel

Ik kom haar overal nog tegen
In wat ik doe en wat ik laat
Zij was en blijft voor mij een zegen
Waarvan het spoor steeds verder gaat

Willy Flanegin

Geboren te Utrecht 24-01-1940
Overleden op Aruba 31-03-2023

De crematie heeft in stilte, volgens haar
wens, plaats gevonden



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras
keda bunita y
Laga esakinan termina den tur buniteza.
Cado Weaver.

Ana Boezem-Diaz ta participa
fayecimento di:

Amado M. Boezem

*13-09-1964 - †08-04-2023

Ta invita pa acto di condolencia y
despedida cual lo tuma lugar na Aurora
Funeral Home diaranson 12 di April 2023 di
2'or pa 4'or di atardi. Cremacion lo tuma
lugar despues.



Stilletjes heb ik je hand los moeten laten, maar
vergeten doe ik je nooit.

Mavis Christine Nierop-Burne

*09-10-1936 - †03-04-2023

Echtgenoot:

Bertus Nierop

Kinderen:

Robert, familie en kleinkinderen
†Debby
Rene, familie en kleinkinderen

Vader:

†Harry Burne

Moeder:

†Reinie Burne


Broers en zussen:

Willy v. Thol-Burne en familie in Suriname
Cleary Posthuma-Burne en familie in Nederland
Lucia Wilson-Burne en familie in USA
Carla Jacobs-Burne en familie in Nederland
Beata Burne en familie in Nederland
†Erick Burne en familie Nederland
Harold Burne en Chinda Werleman en familie

De crematie plechtigheid wordt gehouden op
dinsdag 11 april 2023 in Aurora Funeral Home
van 2 tot 4 pm. Crematie vindt plaats in familie
kring.

Senjor ta mi wardador,
Mi no tin falta di nada;
Den cunucu di yerba berde,
E ta ponemi sosega.
E ta hibami na awa trankil,
Pa mi bolbe hanja forsa.
Salmo 23:1,2,3.

Cu dolor na nos curason nos ta anuncia
fayecimento di nos ser stima:



Nicole Octavius Gaston

*18-09-1976 - † 04-04-2023

Acto di entiero lo tuma lugar, **Diahuebs 13 di April 2023**
for di 2'or pa 4'or di atardi, na Iglesia Fuente en el desierto
na San Nicolaas. Despues nos defunto lo sali pa Santana na
Sabana Basora.

Oportunidad pa condolencia lo ta Diaranson 12 di April
2023, for di 7'or pa 9'or di anochi na Pastoor Hendrikstraat
43, San Nicolaas.

Staff y personal di Ad Patres funeral home &
Crematorium ta extende nos mas sincero condolencia
na famia di e fayecida.



come to me,
all you who
are weary
and burdened,
and I will
give you rest.

MATTHEW 11:28

“ Serca Dios so mi alma ta na pas, ta di dj’E mi salvacion ta bini.”
Ps. 62:1

Cu inmenso tristeza na nos curazon, pero agradecido pa loke e a significa pa nos, nos ta participa fayecimento di nos mama, wela, bisawela, ruman y tanta stima:



Sra. Vda. Angelica
Lacle - Loopstok

mihor conoci como:
“Machi” of “Chikela”
*24-03-1947-† 31-03-2023

Mayornan:
†Encarnacion ”Chongo” -
† Dorothea “Tea”Loopstok - Lampe
Vda di †Michael Lacle

Na number di su:
Yuinan:
Emely y Victorino Alberts
Raymond Lacle
Esther Lacle y Richinel Maduro
Harold Lacle
Enrique y Lelia Lacle

Mescos cu yui:
Edwin Rozenberg y famia

Su nieta y nietonan:
Michael y Jo-Anne, Rayline, Edmond y Jenneling
Milangela, Airany y Isayra, Junior, Erickson y Johenrick

Su bisanieto (a)nan:
Ja-vion Cornes – Darline Henriquez,
Jayxen Lacle, Austin Lacle, Izean Galarraga

Su rumannan:
†Roman Loopstok y vda. Sira Boekhoudt, yuinan y Famia
Martilia Loopstok - y Miguel Boekhoudt, yuinan y Famia
Juan “Chabubu” Loopstok y yuinan y Famia
†Ramiro Loopstok y Vda. Greta Geerman y yuinan y Famia
Felepina Loopstok y yuinan y Famia
†Raymundo “Rey” Loopstok y Mina Koolman y yuinan y Famia
Flora Loopstok y Binchi Croes y yuinan y Famia
Helena Loopstok y yuinan y Famia
Sra. Vda. Sunilda y †Hose Carrasquero y yuinan y Famia
Rafael Loopstok y yui y Anne Sanjo y Famia
Roberto Loopstok y yuinan y Luz Eugenio y Famia

Suegro: †Desiderio Julio Lacle
Suegra: †Maria Lacle - Loopstok

Sw a y Cuñanan: †Rafael (Fai) Lacle y †Mena Lacle-Croes y Famia
†Feliciano (Feli) Lacle y Filomena Lacle Geerman y Famia
Vda. Magriet Jansen-Lacle - †Edwin Jansen y Famia
Francisco (Frank) Lacle y Evelina Lacle –Figaroa

Subrino (a)nan, primo (a)nan, Ihanan, comer y compernan y demas famianan na Curacao, Hulanda, Sint Maarten y Merca,amiga y amigonan y demas conocirnan.

Demas famia nan: Loopstok, Lampe, Lacle, Alberts, Heyden, Gutierrez-Rodriguez, Rozenberg, Croes, Carrasquero, de Cuba, Koolman, Maduro, Boekhoudt, Jansen, Figaroa, Geerman, Albertus, Dubero, Erasmus, Arends, Luidens, Brown, Vrolijk, Irwin, Hewit, Ridderstap, Tromp, Paesch.

Acto di entiero ta tuma luga **Diaranson 12 April 2023** for di 9’or pa 11 or di mainta na Olive Tree Funeral Care & Crematory na Piedra Plat y despues lugar di sosiego na Santana Catolico na Paradera.

Nos disculpa si den nos momento di tristeza nos por a lubida algun familiar.

Despues di entiero nos no ta ricibi bishita di condolencia na cas.

Pida weso haya durante trabou
ariba acera den Rockefellerstraat



DIAHUEBS mainta polis a wordo pidi ariba e acera cu ta conduci entre e parkeerplaats di Dimas,/DAO cu Bochinha. Durante cu un trabou di cobamento tawata tuma luga di parti di un compania, a bin topa cu un pida weso.
Mirando cu no sa si ta di bestia of hende e ta a pidi pa polis. Polisnan cu a presenta na e sitio a mira e weso y na e momento eynan tampoco por deduci si por ta trata parti di un skelet di un animal of un ser humano.
Agentenan a dicidi di bay cu weso warda di Polis. Ey nan lo bay haci mas investigacion di ki sorto di weso e ta y si ta den un bestia of un hende.

Basta aña atras
Na e sitio por a tende cu basta aña atras cu a cuminsa construi e luga esta di DAO y DIMAS parse cu a usa tera di un otro caminda o sea tera blanco cu kizas lo por tawata contene parti di e weso aki aden. Esaki ta unicamente un speculacion di locual tawata wordo comenta na e sitio.
Pero, segun polisnan na e sitio lo ta trata di weso di un animal.

Boksmento ariba crusada druk

DIAHUEBS merdia ariba e crusada di Kamerlingh Onnesstraat cu De LaSallestraat a sosode un boksmento. E impacto no tawata uno duro, pero asina mes presencia di Ambulance na e sitio tawata necesario pa un ocupante. Tawata trata di Toyota Rav y Hyundai.



Paramediconan na e sitio a atende cu e persona herida. Falta di preferencia manera por wordo mira a hunga e rol principal den e boksmento aki.
Den e oranan di merdia e crusada ey sa ta hopi druk, y si bo no pone bon atencion facilmente bo por hayabo den e accidente.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com